

Broj: 01-14-4-269-9/15
Sarajevo, 15.05.2015. godine

Na osnovu člana 25., člana 69. stav (2) tačka d) i člana 70. stav 1. Zakona o javnim nabavkama Bosne i Hercegovine («Službeni glasnik BiH», broj 39/14), a po provedenom otvorenom postupku javne nabavke -Nabavka i montaža opreme za praćenje kvaliteta zraka i laboratorijske opreme-, na preporuku Komisije za javne nabavke, direktor Federalnog hidrometeorološkog zavoda donosi

ODLUKU

**o poništenju dijela postupka javne nabavke roba za
-LOT 1. Nabavka i montaža opreme za praćenje kvaliteta zraka-
po Otvorenom postupku javne nabavke -Nabavka i montaža opreme za praćenje
kvaliteta zraka i laboratorijske opreme-, broj: 01-14-4-269-1/15 od 14.04.2015. godine**

I.

Poništava se dio postupka javne nabavke roba LOT 1. Nabavka i montaža opreme za praćenje kvaliteta zraka, po Otvorenom postupku, broj:01-14-4-269-1/15 od 14.04.2015. godine - Nabavka i montaža opreme za praćenje kvaliteta zraka i laboratorijske opreme- objavljen na portalu javnih nabavki, dana 15.04.2015. godine Obavještenje broj 615-1-1-16-3-1/15, u "Službenom glasniku BiH", broj: 34/15 od 27.04.2015. godine, jer nijedna od primljenih ponuda nije prihvatljiva.

II.

Ova Odluka objavit će se na portalu javnih nabavki, u „Službenom glasniku BiH" i na web stranici www.fhmzbih.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 36. i 70. stav 6. Zakona o javnim nabavkama.

III.

Zadužuje se Sektor opštih poslova, da najkasnije u roku od 7 (sedam) dana od dana donošenja ove Odluke istu dostavi svim ponuđačima koji su blagovremeno dostavili ponude i time ih obavijesti o rezultatima postupka navedenim u Odluci.

IV.

Ova Odluka stupa na snagu danom donošenja.

Obrazloženje

U Otvorenom postupku javne nabavke, broj:01-14-4-269-1/15 od 14.04.2015. godine - Nabavka i montaža opreme za praćenje kvaliteta zraka i laboratorijske opreme- , objavljenom na portalu javnih nabavki dana 15.04.2015. godine, Obavještenje broj: 615-1-1-16-3-1/15, i u "Službenom glasniku BiH", broj: 34/15 od 27.04.2015. godine, za LOT 1. Nabavka i montaža opreme za praćenje kvaliteta zraka, ponude su blagovremeno dostavili ponuđači:

- | | |
|---------------------------------|------------------------|
| 1. "Theiss" d.o.o. Sarajevo | 78.978,70 KM bez PDV-a |
| 2. "Dvokut Pro" d.o.o. Sarajevo | 95.890,00 KM bez PDV-a |

Komisija za javne nabavke, imenovana rješenjem direktora Zavoda, broj: 01-14-4-270/15 od 27.02.2015. godine, izvršila je pregled i ocjenu pristiglih ponuda i utvrdila slijedeće:

Uvidom u ponudu ponuđača „Theiss“ d.o.o. Sarajevo, Komisija je ustanovila da navedeni ponuđač svoju ponudu nije dostavio u zahtjevanom obliku, odnosno ponuda nije popunjena u skladu sa ZJN i podzakonskim aktima na način da se ponude pišu neizbrisivom tintom, ponuda nije popunjena na originalnim, parafiranim i ovjerenim Aneksima (Aneks 2, 3, 4, 5 i 6) koje je ponuđač zaprimio od ugovornog organa u tenderskoj dokumentaciji na način koji je u istoj utvrđen, odnosno isti su popunjeni elektronski, u ponudi Aneks 4 (Izjava o ispunjavanju uslova iz člana 45. Zakona o javnim nabavkama) i Aneks 5 (Izjava o ispunjavanju uslova iz člana 52. Zakona o javnim nabavkama) nisu sadržajem popunjeni na način propisan formom Izjave, odnosno u dijelu „(navesti tačan naziv i vrstu postupka javne nabavke)“ ponuđač je u Aneksu 4 i Aneksu 5 upisao naziv „Nabavka i montaža opreme za praćenje kvaliteta zraka“, bez navođenja da je to LOT 1., i nije upisao broj „Službenog glasnika BiH“ u kojem je objavljeno obavještenje o javnoj nabavci, omotnica u kojoj je ponuđač dostavio ponudu nije u skladu sa zahtjevom iz tačke 15. tenderske dokumentacije, te da je u ponudi dostavljeni dokaz zahtjevan u tački 13. tenderske dokumentacije – „Autorizacija - važeći dokument izdat od strane proizvođača robe-opreme predmetne nabavke kojom ponuđač dokazuje da ima podršku proizvođača za distribuciju i montažu robe – opreme predmetne nabavke, i to za LOT 1. Distribuciju i montažu opreme za praćenje kvaliteta zraka“ sadržajno ograničenog vremenskog trajanja na period od jedne godine, da je izdata 01.07.2014. godine, što ukazuje da je period važenja iste kraći od perioda važenja ponude, i nije dostavio dokaz - Autorizaciju i za proizvođača robe-opreme koja je predmet nabavke, a za koju je dostavio katalošku dokumentaciju koja čini sastavni dio ponude, **te kao takva ponuda navedenog ponuđača ocijenjena je kao neprihvatljiva.**

Uvidom u ponudu ponuđača „Dvokut Pro“ d.o.o. Sarajevo, Komisija je ustanovila da je navedeni ponuđač u sadržaju svoje ponude na str. 3/42 upisao „tačka 9. Izjava iz člana 52 ZJNBiH – ANEKS 8“ što je netačan navod budući da tenderska dokumentacija nije sadržavala ANEKS 8., da je ponuđač kao sastavni dio ponude dostavio Pismo ponude broj: Z-P-169-A3/15 od 05.05.2015. godine (str. 4/42) i da isto nije naslovljeno na ime ugovornog organa, odnosno upisano je „REPUBLIČKI HIDROMETEOROLOŠKI ZAVOD SARAJEVO“, da je ponuđač u Aneksu 3 – Obrazac za cijenu ponude – robe, vršio izmjenu originalne specifikacije na način da je dopisao naziv proizvođača robe-opreme predmeta nabavke u tački A) red. broj 1., tački B) red.broj 1., u tački C) red.broj 1. i u tački D) red.broj 1., da je u Izjavi ponuđača (str. ponude 10/42) ponuđač neispravno iskazao cijenu ponude slovima, odnosno upisao je „stodvanaesthijadevedesetjedna i 30/100KM“, i u istoj upisao „dana 07.05.2015.“ kao datum objave obavještenja na portalu javnih nabavki, a obavještenje je objavljeno dana 15.04.2015. godine, da u ponudi Aneks 4 (Izjava o ispunjavanju uslova iz člana 45. Zakona o javnim nabavkama) i Aneks 5 (Izjava o ispunjavanju uslova iz člana 52. Zakona o javnim nabavkama) nisu sadržajem popunjeni na način propisan formom Izjave, nepotpuni su i neusaglašeni, odnosno u dijelu „(navesti tačan naziv i vrstu postupka javne nabavke)“ ponuđač je u Aneksu 4 upisao naziv „Nabavka i montaža opreme za praćenje kvalit. zraka“ bez navođenja da je to LOT 1, a vrstu postupka nije upisao, dok je u Aneksu 5 upisao naziv „Nabavka i montaža opreme za praćenje kvaliteta zraka i lab.opr.“, a vrstu postupka nije upisao, da je dokaz zahtjevan u tački 13. tenderske dokumentacije – „Autorizacija - važeći dokument izdat od strane proizvođača robe-opreme predmetne nabavke kojom ponuđač dokazuje da ima podršku proizvođača za distribuciju i montažu robe – opreme predmetne nabavke, i to za LOT 1. Distribuciju i montažu opreme za praćenje kvaliteta zraka“, ponuđač dostavio važeću, sa datumom izdavanja 20.04.2015.godine, Autorizaciju proizvođača robe-opreme iz predmeta nabavke, kojom mu proizvođač daje ekskluzivitet pri prijavi na Otvoreni postupak predmetne javne nabavke, te podršku da distribuira i instalira opremu prema tehničkim specifikacijama, ali da ponuđač nije dostavio i Autorizaciju proizvođača robe-opreme koja je predmet nabavke, a koju je isti u ponudi dopisao u tehničkoj specifikaciji, odnosno u

Aneksu 3 tačka C) i za istu dostavio katalošku dokumentaciju koja čini sastavni dio ponude, **te kao takva ponuda navedenog ponuđača ocijenjena je kao neprihvatljiva.**

U skladu sa naprijed navedenim, na osnovu ukupne ocjene ponuda, Komisija za javne nabavke je ustanovila da niti jedna ponuda ne ispunjava zahtjeve po tenderskoj dokumentaciji, da iste formalno pravno nisu u skladu sa odredbama ZJNBiH i podzakonskim aktima, te da su ponude ponuđača „Theiss“ d.o.o. Sarajevo i ponuđača „Dvokut Pro“ d.o.o. Sarajevo, u skladu sa članom 68. stav (4) tačka j) Zakona o javnim nabavkama BiH, neprihvatljive.

Komisija za javne nabavke predložila je direktoru Zavoda da u skladu sa članom 69. stav (2) tačka d) Zakona o javnim nabavkama BiH („Službeni glasnik BiH“, broj: 39/14) donese odluku o poništenju dijela postupka javne nabavke po otvorenom postupku –Nabavka i motaža opreme za praćenje kvaliteta zraka i laboratorijske opreme- za LOT 1. Nabavka i montaža opreme za praćenje kvaliteta zraka i za isti provede proceduru obnove postupka javne nabavke.

Cijeneći navedeno, direktor Federalnog hidrometeorološkog zavoda prihvatio je prijedlog Komisije i odlučio kao u dispozitivu odluke.

Pouka o pravnom lijeku: Protiv ove Odluke može se podnijeti žalba ugovornom organu u roku od 10 (deset) dana od dana prijema iste, u pisanoj formi, u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču, kao i drugim strankama u postupku.

Dostaviti:

- Ponuđačima
- IT Centru
- Sektoru opštih poslova
- a/a

DIREKTOR

Amir Bijedic

